

Nærings- og handelsdepartementet

Postboks 801 Dep

0030 Oslo

Førde den, 14.10.2008

Fråsegn om tenestedirektivet

Regjeringa har sendt eit høyringsnotat om EU sitt tenestedirektiv ut på offentleg høyring, med svarfrist 20. oktober.

Sogn og Fjordane Raudt ber regjeringa ta i bruk reservasjonsretten i EØS-avtalen slik at EU sitt tenestedirektiv ikkje blir gjeldande i Noreg.

- Tenestedirektivet skal fremje handelen med tenester på tvers av nasjonale grenser ved å fjerne hindringar innført av nasjonalstatane.
- Tenestedirektivet vil kunne føre til sosial dumping, altså auka press på løns- og arbeidsvilkår, og reduserte standardar for helse, miljø, tryggleik og lokaldemokrati.
- Tenestedirektivet overfører makt på nye områder frå Noreg til EU og EØS-organa. Nasjonale autorisasjons- og kontrollordningar for utanlandske tenesteytarar må fjernast.
- Det er uklart kva rekkevidde tenestedirektivet faktisk har. Dette gjer at direktivet vil vere ein trussel mot den kommunale råderetten over offentlige tenester.
- Tenestedirektivet overfører makt på nye områder frå folkevalde organ til domstolane. Det vil vere EU-kommisjonen og EF-domstolen – i EØS overvakingsorganet ESA og EFTA-domstolen – som avgjer den konkrete forståinga av direktivet. Også kva som vert akseptert som ikkje-økonomiske tenesteytingar, altså kva offentlege tenester som er unntakne direktivet.
- Tenestedirektivet fastslår at norsk arbeidsrett er underordna EUs reglar. Også dei arbeidsrettslige reglene må «respektere fellesskapsretten». Fleire nye avgjerder i EF-domstolen, som den svenske Laval-saken om faglege kampmidlar og den tyske Rüffert-saka om lønsvilkår ved offentlege oppdrag, viser korleis tolkinga av EU-reglene i stadig større grad avgrensar den nasjonale arbeidsretten.
- Tenestedirektivet tek frå Noreg verkemiddel i kampen mot sosial dumping, som krav til innsyn og autorisasjon, antikontraktørklausular samt krav om norske løns- og arbeidsvilkår i offentlige anbod.
- Tenestedirektivet vil føre til at store deler av offentleg verksemd vert sett på som ei vare i ein marknad. Kommunane sjølv må kunne avgjere om konkurranseutsetjing og privatisering er teneleg, og om ein ønskjer å rekkommunalisere tenester som har vore ute på anbod eller privatisert. Tenestedirektivet vil kunne ta frå lokale styresmakter denne retten.
- Tenestedirektivet kan gjere det ulovleg å avgrense eit tenesteområde berre for offentlig drift, til dømes tenester som utdanning, vatn og avløp.
- Sjølv om helsetenester som hovudregel er unntakne frå tenestedirektivet, er heimetenester for eldre omfatta. Direktivet kan dermed føre til sterkt press på kommunane om å konkurranseutsette heimehjelstenester.
- Tenestedirektivet aksepterer ikkje forbrukarvern som eit eige kontrollomsyn.

- Mange av verksemndene som hentar austeuropearar til norske byggjeplassar bryt lova og øydelegg for dei som driv seriøst. Avgrensingane av innsynsrett og av kontroll vil forsterke desse problema.

Reservasjon mot tenestedirektivet vil bidra til trygge rammer for arbeidslivet og for eit godt offentleg tenestetilbod, og sikre at viktige politiske vedtak vert tekne av folkevalde i Noreg, både nasjonalt og lokalt.

Med helsing


Per Bj. Ørjanssen
- leiar -